



Inatsisartunut ilaasortaq Kim Kielsen, Siumut

/Maani

28. oktober 2010
Sagsnr. 2010-040101
Dok. Nr. 492670

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@nanoq.gl
www.nanoq.gl

§ 36 atorlugu apeqqummut nr. 2010-219 akissut

Inatsisartut suleriaasianni § 36 naapertorlugu apeqquteqarsimavutit aalisakkat pisassiissutaasanngitsut aalisarneqartarnersut pillugit. Apeqqut uannut akisassangortinnejqarsimavoq.

Apeqqutit:

Naalakkersuisunut apeqqutit:

Apeqqutigivat Naalakkersuisut ilisimasaqarnersut aningaasarsiutigalugu aalisartoqarnersoq aalisakkanik pisassiissutigineqannngitsunik.

- a. Taamaassimappat – aalisakkat suut pineqarpat, qanorlu annertutigisut pisarineqartarpat?
- b. Taamaassimanngippat – qanoq iliornikkut taamaattoqalersinnaanera pinngitsoortinniarnearsinnaava?

Akissut:

2009-mut tunisinermi nalunaaruteqartarneq tunngavigalugu nalunaarutigineqarsinnaavoq, pisassiissutigineqartanngitsunit annertussutsit uku tunineqarsimamata:

Annertussutsit uumatillugit oqimaassusilerlugit kiilunngorlugit naatsorsorneqarsimapput.

Kalaallisut taaguutaat	Danskisut taaguutaat	Tamakkiisumik
Eqaluit	Fjeldørred	17.454
Raajaasaq	Rejekonge/montagui reje	40.084
Ammassak	Lodde	185.980
Qeeraq	Havkat	1.090.034
Uuvaq	Uvak	212.368
Nataarnaq	Helleflynder	2.733
Nipisat svaat	Stenbiderrogn	6.685.782
Suluppaagaq	Rødfisk spp.	158.523
Imminnguaq	Skolæst	107
Eqaluk	Havørred	2.061
Brosme	Brosme	1.584
Katillugit		8.396.709

Najoqqutarisaq: Kalaallit Nunaanni Aalisarsinnaanermut Akuersissutinik Nakku-tilliisoqarfik

Tamakku qaavisigut inuussutissarsiutigalugu aalisarnermik ingerlatsisoqartarpoq kalaalimineerniarfinni tuniniarneqartartunik Kalaallit Nunaanni Aalisarsinnaanermut Akuersissutinik Nakkutilliisoqarfimmuit nalunaarutigineqartangitsunik. Kalaallilli Nunaanni Aalisarsinnaanermut Akuersissutinik Nakkutilliisoqarfik kapisillit pillugit immikkut nalunaarusianik pissarsisarpoq. 2009-mi 26.327 kiilut pisarineqarput taakkunannga 14.776 kiilut tunineqarlutik.

Avataasiorluni aalisarneq tamarmi pisassiissuteqarfiuvoq, kisianni aalisakkanik pisassiissutigineqanngitsunik pisarisuusoqartarpoq. Aalisakkalli tamakku toq-qaanuartumik aalisarneqartangillat. Ilanngussaq 1-imik takuneqarsinnaavoq kalaallit aalisarnikkut oqartussaaffigisaanni Kalaallit Nunaanni Aalisarsinnaanermut Akuersissutinik Nakkutilliisoqarfimmit avataasiorluni kalaallit aalisariutaasa saniatigut pisarisuugaasa nalunaarsorneqarsimasut. Takussutissiamili aamma nununi allamiut aalisaritaasa saniatigut pisarisuugaat annikitsuinnarmik ilanngun-neqarput.

Raajamut Pandalus Montagui-mut imaluunniit rejekonge-mut tunngatillugu 2009-mi taakkunannga 40 tons tunineqarput. Raaja aalajangersimasumik aalisarneqartangilaq, Pandalus Borealis-inilli raajarniarnermi pisarisoorneqartartunut ilaalluni. Pandalus Montagui-mut pisassiissuteqanngilaq pisassiissutinillu ilann-gaatigineqartaranii. Pandalus Montagui tunisassiornermi Pandalus Borealis-torluinnaq suliarineqartarpoq. Ukiualuit matuma siornatigut angallat ataaseq Pandalus Montagui-nik immikkut aalisarnikuovoq, kisiannili raaja aalajangersimasumik aalisarneqartarnersoq takussaajunnaarnikuovoq.

Inussiarnersumik inuulluaqqusillunga

Ane Hansen